

ESTATUTOS DA FEDERACIÓN GALEGA DE DEPORTES DE PERSOAS CON DISCAPACIDADE

TÍTULO I DENOMINACIÓN, ESPECIALIDADES, DOMICILIO, ESTRUCTURA TERRITORIAL, OBXECTO E FUNCIÓNS, NORMATIVA APLICABLE, IMPACTO MEDIOAMBIENTAL E NEUTRALIDADE DE XÉNERO

Artigo 1. Denominación e especialidades

1. A Federación Galega de Deportes de Persoas con Discapacidade (Federación), unha federación polideportiva, é a entidade privada con personalidade xurídica propia e plena capacidade de obrar, sen ánimo de lucro, que ten por obxecto, mediante a integración de entidades deportivas, deportistas, técnicos-adestradores e xuíces-árbitros, a práctica do deporte de persoas con discapacidade, en calquera das súas especialidades fixadas polas Federacións Internacionais de Deportes de Persoas con Discapacidade e polas Federacións Españolas de Deportes de Persoas con Discapacidade, así como promover, regulamentar e organizar o deporte de persoas con discapacidade no territorio da Comunidade Autónoma de Galicia. A Federación exerce, ademais das súas propias atribucións, por delegación funcións públicas de carácter administrativo, actuando en tal caso como axente colaborador da Comunidade Autónoma galega baixo a súa tutela e coordinación.

2. A Federación está adscrita ás correspondentes federacións españolas de deportes de persoas con discapacidade e, por medio delas, a súas federacións internacionais, sendo a súa representante en Galicia.

3. A Federación ten a consideración de entidades de utilidade pública, nos termos establecidos na lexislación.

Artigo 2. Domicilio

O domicilio social actual establécese en Luis Ksado 17 en Vigo (Pontevedra), podendo ser cambiado de localidade ou de provincia, dentro sempre do territorio da Comunidade Autónoma de Galicia, por acordo de 2/3 dos membros asistentes á Asemblea Xeral, a proposta da Xunta Directiva.

Artigo 3. Estructura territorial

A estrutura territorial da Federación, que adoptará calquera das modalidades legalmente permitidas, determinarase no seu caso polo correspondente Regulamento de desenvolvemento dos presentes Estatutos.

Artigo 4. Obxecto e funcións

1. A Federación exerce como funcións propias as seguintes:

- a) A convocatoria das seleccións deportivas da súa modalidade deportiva e a designación dos deportistas que as integren.

- b) Colaborar coas Administracións públicas e coas Federacións españolas, así como coas restantes entidades deportivas, na promoción do deporte de persoas con discapacidade.
- c) Colaborar coa Administración deportiva autonómica na execución dos plans e programas dos deportistas galegos de alto nivel.
- d) De ser o caso, e conforme á normativa que sexa aplicable, colaborar e/ou organizar as competicións oficiais e actividades deportivas de carácter estatal ou internacional que se realicen no territorio da Comunidade Autónoma de Galicia.
- e) Elaborar as súas propias normas técnicas e regulamentos deportivos.
- f) Colaborar coa Administración deportiva autonómica na formación de técnicos-adestradores e xuíces-árbitros, segundo a normativa que sexa aplicable.
- g) Fomentar a participación no deporte das persoas con algunha discapacidade.

2. A Federación exerce como funcións públicas delegadas, en réxime de exclusividade, as seguintes:

- a) Representar á Comunidade Autónoma de Galicia nas actividades e competicións deportivas do deporte de persoas con discapacidade, consonte á normativa que sexa de aplicación.
- b) Organizar as competicións oficiais autonómicas federadas.
- c) Expedir licenzas deportivas para a práctica do deporte de persoas con discapacidade nos termos establecidos na lexislación vixente.
- d) Asignar as subvencións e axudas de carácter público concedidas e controlar que os seus asociados lles dean unha correcta aplicación.
- e) Garantir o cumprimento das normas de réxime electoral nos procesos de elección dos seus órganos representativos e de goberno, así como dos demais dereitos e obrigas derivados do cumprimento destes Estatutos.
- f) Exercer a potestade disciplinaria nos termos establecidos pola Lei 3/2012, de 2 abril, do Deporte de Galicia e polas súas disposicións de desenvolvemento, de acordo cos presentes Estatutos e Regulamentos de desenvolvemento.
- g) Executar, de ser o caso, as resolucións do Comité Galego de Xustiza Deportiva.
- h) Colaborar coas Administracións públicas competentes na prevención, control e represión do uso de substancias e grupos farmacolóxicos prohibidos, así como na prevención da violencia no deporte. Para estes efectos, e entre outras accións, a Federación instruirá e resolverá os expedientes sancionadores que no ámbito da dopaxe se substancien, consonte ó establecido na lexislación vixente.
- i) Calquera outra que regulamentariamente se determine.

3. A Federación atenderá que a dedicación significativa á práctica do deporte de persoas con discapacidade se corresponda tendencialmente coas esixencias da semiprofesionalidade ou profesionalidade da práctica do deporte, tanto por conta allea como por conta propia, consonte as súas modalidades admitidas pola lexislación vixente.

4. A Federación utilizará preferentemente para o cumprimento dos seus obxectivos e funcións as novas tecnoloxías da información e da comunicación, a través do seu propio sitio en Internet.

Artigo 5. Normativa aplicable

A Federación regulará a súa estrutura e funcionamento de acordo cos principios de representación e participación democrática, e rexeráse pola Lei 3/2012, de 2 abril, do Deporte de Galicia, os presentes Estatutos e os seus Regulamentos de desenvolvemento.

Artigo 6. Impacto medioambiental

A Federación adoptará a premisa de respecto e conservación da natureza. Fomentará a educación medioambiental entre os deportistas e adoptará cantas medidas estean ó seu alcance co fin de salvagardar o patrimonio ecolóxico e forestal durante o desenvolvemento das súas actividades. Asemade, colaborará en materia de medio ambiente cos Organismos e Entidades Públicas ou Privadas no ámbito do seu territorio.

Artigo 7. Neutralidade de xénero

1. Pola propia natureza do deporte de persoas con discapacidade, a Federación axustarase na ordenación desta modalidade deportiva ó principio de neutralidade de xénero, fomentando asemade a organización e práctica desta modalidade deportiva con suxeición ós principios establecidos no artigo 29 da Lei Orgánica 3/2007, de 22 de marzo, para a igualdade efectiva de mulleres e homes.

2. Todas as referencias que se realicen nos presentes Estatutos a persoas de xénero masculino se entenderán feitas asemade, en condicións de plena igualdade, a persoas de xénero feminino.

TÍTULO II DOS ÓRGANOS DE GOBERNO E REPRESENTACIÓN DA FEDERACION

Capítulo I. Xeneralidades

Artigo 8. Principio democrático

A Federación axusta o seu funcionamento interno ó principio democrático baseado nas eleccións reguladas no seu propio Regulamento Electoral, nos termos previstos no artigo 5 dos presentes Estatutos.

Artigo 9. Regulamento Electoral e procedemento de designación da Xunta Electoral

1. O Regulamento Electoral da Federación será aprobado pola Asemblea Xeral e remitido á Administración autonómica, para a súa aprobación, con anterioridade á realización efectiva do proceso electoral.

2. O devandito Regulamento haberá de regular as seguintes cuestións:

- a) Calendario electoral: prazos, requisitos para presentación e reclamacións de candidatos, así como sistemas de desempate e reclamacións.
- b) Composición, competencias e funcionamento da xunta electoral e das mesas electorais.
- c) Censo electoral, dividido por circunscripcións electorais de existiren éstas, con garantía da súa posta a disposición dos candidatos en cada caso.
- d) Número de membros da Asemblea Xeral e distribución dos mesmos por estamentos.

- e) Circunscrições electorais, de ser o caso, e número de representantes de cada estamento por cadansúa.
- f) Regulación do voto por correo.
- g) Sistema de elección do Presidente.
- h) Composición e sistema de elección da Comisión Delegada.
- i) Procedemento de resolución de conflitos, reclamacións e recursos electorais.

3. A Xunta Electoral constituirase de forma simultánea á convocatoria de eleccións, estando integrada por tres membros titulares e tres suplentes, elixidos por sorteo na Asemblea Xeral, entre as persoas que presenten a súa candidatura, que deberá facerse na mesma Asemblea Xeral na que teña lugar a súa elección, podendo estar os candidatos presentes nela. Os membros da xunta electoral deberán reunir os requisitos seguintes:

- a) Ser maior de 18 anos.
- b) Non presentarse como candidato a membro da Asemblea Xeral.
- c) Non ter relación contractual ou profesional coa Federación.
- d) Non estar cumprindo sanción disciplinaria firme ou sanción administrativa firme en materia deportiva que comporte sanción de inhabilitación para ocupar cargos nunha organización deportiva.

No caso de non presentación de candidatos a membros da xunta electoral, o Presidente da Federación propondrá á Asemblea Xeral os membros necesarios para completala, que deberán reunir os requisitos definidos no apartado anterior. No acto de sorteo designarase, ademais, o número de suplentes establecidos para supostos de enfermidade o calquera outra causa excepcional.

4. Para as primeiras eleccións á Asemblea Xeral aplicarase a normativa a que se refire a disposición transitoria única dos presentes Estatutos.

Artigo 10. Órganos colexiados e órganos unipersoais

- 1. Os órganos de goberno e representación da Federación poden ser colexiados e unipersoais.
- 2. Son órganos colexiados da Federación a Asemblea Xeral, a Comisión Delegada e a Xunta Directiva.
- 3. Son órganos unipersoais da Federación o Presidente, os Vicepresidentes, o Secretario, o Tesoureiro e os vocais.

Capítulo II. Dos órganos colexiados

Artigo 11. A Asemblea Xeral

- 1. A Asemblea Xeral é o máximo órgano de representación e goberno da Federación, e nela estarán representados os seguintes estamentos:
 - a) Entidades Deportivas
 - b) Deportistas.
 - c) Xuíces e árbitros.
 - d) Técnicos-adestradores.
 - e) Outros colectivos, se os houber.

2. A Asemblea Xeral estará composta por membros elixidos entre e polos distintos estamentos arriba mencionados. A representación na Asemblea Xeral dos distintos estamentos responderá ás proporcións establecidas na lexislación aplicable, segundo o disposto no Regulamento correspondente.

3. A elección para a Asemblea Xeral levarase a cabo de acordo coas regras establecidas na lexislación aplicable, e no Regulamento Electoral.

4. Os membros da Asemblea Xeral serán elixidos cada catro anos por sufraxio libre, igual, directo e secreto, por y entre os integrantes maiores de 18 anos de cada estamento, consonte co número e proporcións de representación que se establecen nestes mesmos Estatutos e no Regulamento Electoral, nos anos en que teñan lugar os Xogos Olímpicos de Inverno. A representación dos clubs corresponde ó seu Presidente ou persoa autorizada, de acordo cos seus propios Estatutos. O exercicio dos dereitos dos deportistas, dos técnicos-adestradores e dos xuíces-árbitros é persoal, e non admite delegación algunha. Ningún membro da Asemblea poderá ostentar unha dobre representación na mesma.

5. A Asemblea Xeral, tanto ordinaria como extraordinaria, quedará validamente constituída cando concorran na primeira convocatoria a metade máis un dos seus membros, e na segunda convocatoria —que terá lugar media hora máis tarde— calquera que sexa o número de asistentes.

6. A Asemblea Xeral deberá ser convocada, en sesión ordinaria, alomenos unha vez ó ano, alomenos co obxecto de:

- a) Aprobar o novo orzamento.
- b) Liquidar o anterior orzamento.
- c) Aprobar o calendario deportivo e máis as normas técnicas ou regulamentos deportivos que rexerán a competición.
- d) Aprobar a memoria de actividades anuais.

Tamén se reunirá cando así o dispoña a normativa da autoridade deportiva galega.

7. A Asemblea Xeral poderá ser convocada, con carácter extraordinario, polo Presidente, ou a proposta dun número dos seus membros non inferior ó 25%.

Presentada a solicitude de convocatoria polo número de membros suficiente, o Presidente a deberá convocar necesariamente no prazo de 10 días naturais. Desde a convocatoria até a data de celebración da Asemblea non poderán transcorrer máis de 20 días naturais.

A convocatoria, que deberá conter a orde do día da reunión, notificarase individualmente a cada un dos membros da Asemblea cunha antelación mínima de 48 horas, por calquera medio que permita ter constancia da data de recepción da mesma. Asemade farase pública na páxina web da Federación, con 10 días de antelación á data de celebración.

8. A Asemblea Xeral poderá reunirse en Pleno ou en Comisión Delegada.

9. Son competencias da Asemblea Xeral, en reunión plenaria, con carácter exclusivo:

- a) A aprobación do presuposto anual e máis a súa liquidación.
- b) A aprobación do calendario deportivo e máis das normas técnicas ou regulamentos deportivos que rexerán a competición.

- c) A aprobación dos regulamentos.
- d) A aprobación e máis a modificación dos Estatutos.
- e) A elección e máis o cese do Presidente.
- f) A disolución da Federación, que deberá ser acordada por decisión dos 2/3 de todos os seus membros.

h) Calquera outras que estean previstas nos presentes Estatutos e máis, en xeral, todas aquelas que non estean atribuídas expresamente a outros órganos da Federación.

10. O voto será persoal. Non se admitirá a delegación de voto, salvo o correspondente ós clubs deportivos, que poderá exercer o seu Presidente ou a persoa na que él delegue, sempre que non sexa membro da Asemblea da Federación, de acordo co seus propios Estatutos e con carácter expreso e escrito para cada reunión.

11. Os acordos serán adoptados, como regra xeral, por maioría simple, salvo naqueles casos en que sexa precisa maioría cualificada, consonte cos presentes Estatutos e Regulamentos que os desenvolvan.

De todos os acordos levantarase acta, especificando os nomes das persoas que intervirán e máis as demais circunstancias que se consideren oportunas, así como o resultado da votación e, de ser o caso, os votos particulares contrarios ó acordo adoptado.

Os votos contrarios ó acordo adoptado ou as abstencións motivadas eximirán das responsabilidades que puideran derivarse, de ser o caso, dos devanditos acordos.

Todos os acordos serán públicos, salvo que, excepcionalmente, se acorde o contrario por maioría de tres cuartas partes dos membros do órgano decisorio.

Os acordos da Asemblea Xeral poderán ser impugnados ante a Administración deportiva autonómica, consonte co disposto na lexislación vixente.

Artigo 12. A Comisión Delegada

A Comisión Delegada será elixida entre e pola Asemblea Xeral mediante sufraxio libre, igual, directo e secreto entre os seus membros. O seu mandato coincidirá co da Asemblea Xeral. Será presidida polo Presidente da Federación como membro nato da mesma. Estará composta por alomenos cinco membros, debendo estar representados todos os estamentos, respectándose a proporcionalidade da Asemblea Xeral. O procedemento de elección será o fixado polo Regulamento Electoral da Federación.

Artigo 13. A Xunta Directiva

1. A Xunta Directiva é o órgano colexiado de xestión ordinaria da Federación, sendo os seus membros designados e separados libremente polo Presidente, que a presidirá.

2. A Xunta Directiva estará composta por:

- Presidente
- Vicepresidentes (un por discapacidade)
- Secretario
- Tesoureiro
- Vocais

3. Os membros da Xunta Directiva que non o sexan da Asemblea Xeral terán acceso ás sesións da mesma, con dereito a voz pero sen voto.

4. Todos os cargos son honoríficos e, en caso extraordinario, cando se estableza unha compensación económica xustificada a favor dalgún dos membros da Xunta Directiva, ten que ser expresamente acordada por maioría absoluta da Asemblea Xeral e constar de xeito diferenciado no orzamento. En ningún caso, a compensación económica poderá ser satisfeita con cargo ás subvencións públicas que reciba a Federación.

5. As funcións da Xunta Directiva son, entre outras:

- a) Organizar, impulsar, desenvolver e adaptar o programa deportivo, as actividades e máis o calendario de competición da Federación.
- b) Executar os acordos adoptados pola Asemblea Xeral.
- c) Desenvolver o orzamento xeral anual aprobado pola Asemblea Xeral, así como a xestión económica e administrativa da Federación.

Capítulo III. Dos órganos unipersonais

Artigo 14. O Presidente

1. O Presidente é o órgano executivo da Federación. Exerce a súa representación legal, convoca e preside os órganos de representación e goberno, e executa os acordos dos mesmos.

2. Será elixido cada catro anos por sufraxio libre, igual, directo e secreto, polos compoñentes da Asemblea Xeral presentes no momento da elección, coincidindo cos anos dos Xogos Olímpicos de Inverno, de acordo coa lexislación aplicable, e o Regulamento de aplicación. Non é necesario que sexa membro da Asemblea Xeral. Non poderá desempeñar ningunha outra actividade directiva ou de representación dentro da propia estrutura federativa. Non poderá exercer simultaneamente a presidencia dun club deportivo integrado na Federación.

3. En caso de ausencia o incapacidade temporal, o Presidente será substituído por un dos vicepresidentes designado polo propio Presidente, ou, no seu defecto, polo vicepresidente de maior idade.

4. O Presidente da Federación exercerá as seguintes funcións:

- a) Presidir e dirixir os órganos de goberno e representación dos que forme parte.
- b) O voto de calidade, en caso de empate, naquelas decisións a adoptar nos órganos que preside.
- c) Estimular e coordinar a actuación dos órganos federativos.
- d) Ordenar pagos a nome da Federación, asinando co Tesoureiro os documentos ó efecto.
- e) Conferir poderes especiais ou xerais a letrados, procuradores ou calquera outra persoa mandataria para que ostente a súa representación legal, tanto en xuízo como fora del.
- f) Designar e separar ó Secretario e máis ó Tesoureiro, así como ós demais membros da Xunta Directiva.

5. O Presidente da Federación cesará no seu cargo polos motivos seguintes:

- a) Expiración do prazo de mandato.
- b) Renuncia, morte ou incapacidade.

c) Incurrir nalgunha das causas de inelixibilidade establecidas nos presentes Estatutos.

d) Aprobación da moción de censura, que será sempre construtiva.

6. Producido o cese do Presidente por calquera das causas establecidas, excluída a moción de censura, o Presidente en funcións convocará a Asemblea Xeral nun prazo non superior a un mes, e a celebración de eleccións deberá ser anterior ó transcurso de dous meses desde o seu cese.

7. A moción de censura haberá de ser proposta por, alomenos, o 45% dos membros da Asemblea Xeral.

Presentada a moción de censura, o Presidente enviará a convocatoria da Asemblea Extraordinaria en prazo non superior a 10 días naturais. Entre a data da súa convocatoria e a votación da moción de censura non poden transcorrer máis de 20 días naturais.

O triunfo da moción de censura producirase polo voto favorable da maioría absoluta dos membros da Asemblea Xeral, resultando elixido Presidente o membro da Asemblea que plantexou a mesma.

Se a moción de censura fose rexeitada pola Asemblea Xeral, os seus asinantes non poderán presentar outra moción até transcorrido un ano.

8. Autorízase a compensación económica do cargo de Presidente polas labores de administrador, suxeitas a todos os impostos que regulamentariamente estean vixentes, con carácter anual, variable, estatutario, non consolidable nin indemnizable. Ten que ser expresamente acordada por maioría absoluta da Asemblea Xeral e constar de xeito diferenciado no orzamento. En ningún caso, a compensación económica poderá ser satisfeita con cargo ás subvencións públicas que reciba a Federación nen con recursos obtidos pola Lei do Mecenado.

Será requisito previo para poder asignar a compensación económica do Presidente ter pechado o exercicio contable precedente con resultados positivos, cero ou cunhas perdas que non supuxesen máis do 2% sobre os ingresos totais do citado exercicio pechado.

A proposta económica de compensación ao Presidente no orzamento para su aprobación será por un montante anual inferior ao 20% dos recursos propios (calculados sobre os ingresos federativos totais descontando os fondos e subvencións públicas e os recursos recibidos baixo a Lei de Mecenado), calculados sobre os datos do ano precedente pechado ou sobre o orzamento seguinte, sempre considerando a base menor entre ambas cantidades.

A percepción desta compensación non é consolidable dun exercicio a outro, nin dá dereitos a indemnizacións por extinción do cargo nin ningún outro concepto, agás ao dereito de percepción dos rendementos aprobados, liquidados e pendentes de pago.

Artigo 15. Os Vicepresidentes

1. Os vicepresidentes serán designados e separados polo Presidente.

2. Haberá tantos Vicepresidentes como discapacidades se encontren integradas na federación, adscritas nalgunha federación española.

3. Os Vicepresidentes coordinarán a actividade deportiva da discapacidade que representan.

4. Os Vicepresidentes Asistirán ao Presidente naqueles asuntos que este lles encomende e naqueles outros que se regulamenten en relación co colectivo de discapacidade que representan.

Artigo 16. O Secretario

1. O Secretario, que o será tamén da Xunta Directiva, será designado e separado polo Presidente.

2. O Secretario exercerá as funcións de fedatario e asesor, e máis especificamente as de:

a) Levantar actas das sesións dos órganos de goberno e representación, con indicación dos asistentes, temas tratados, o resultado das votacións e, de ser o caso, os votos particulares contrarios ó acordo adoptado.

b) Expedir as certificacións oportunas dos acordos adoptados dos órganos de goberno e representación.

c) Cantas funcións lle encomenden os presentes Estatutos e máis os Regulamentos da Federación, así como a lexislación vixente.

Artigo 17. O Tesoureiro

O Tesoureiro será designado e separado polo Presidente, podendo recaer o nomeamento no Secretario. O Tesoureiro exercerá as funcións de:

a) Levar a contabilidade da Federación.

b) Exercer a inspección económica de todos os órganos da Federación.

c) Elaborar y presentar balances del estado contable de la Federación.

d) Calquera outra función que lle encomenden os presentes Estatutos e máis os Regulamentos da Federación.

Capítulo 4. Seccións e Comités

Artigo 18. As Seccións

Cada grupo de discapacidade dentro da Federación constituirá unha Sección, ao fronte da cal estará un Vicepresidente, asistido por un Director Técnico. Dentro de cada sección poderán constituírse tantos Comités Técnicos como sexan necesarios.

Artigo 19. Os Directores Técnicos

1. Para mellor organización deportiva e coordinación, dado o carácter polideportivo da Federación, o Presidente nomeará un director técnico dentro de cada Sección, que terá que ser persoa debidamente cualificada dentro do marco da súa responsabilidade.

2. As funcións dos Directores Técnicos serán as seguintes:

a) Planificar e programar as actividades deportivas da Federación para a súa posterior aprobación ante os órganos competentes.

b) Dirixir as execucións dos programas deportivos.

c) Coordinar os distintos Comités e Comisións deportivas.

d) Informar e dotar da documentación necesaria ós comités disciplinarios.

e) Cantas funcións lle encomenden os estatutos e regulamentos da Federación ou lle sexan delegadas polo presidente.

Artigo 20. Os Comités Técnico-Deportivos

1. Para a mellor execución, desenvolvemento e asesoramento das actividades da Federación, esta a través do seu presidente poderá contar con cantos comités considere necesarios, dependendo estes directamente da dirección técnica.
2. Cando os comités que se constitúan na Federación atendan ao desenvolvemento dunha especialidade deportiva específica amparada pola Federación, a designación dos seus presidentes efectuarase por proposta do colectivo ou estamentos interesados. Os demais presidentes de comités e outros órganos internos da Federación serán designados polo Presidente da mesma. Nos regulamentos da Federación reflectiranse o funcionamento, composición e competencias destes comités.
3. Acorde coas disposicións legais, e de maneira obrigatoria, na Federación constituirase un comité de xuíces, cronometradores e árbitros, designado polo Presidente da Federación. Cando por operatividade sexa conveniente, este comité poderá adoptar a estrutura territorial da Federación.

Capítulo 5. Persoal laboral e Asesores

Artigo 21.

A Federación poderá contratar persoal laboral asalariado e/ou asesores externos a proposta do Presidente. Esta decisión deberá ser aprobada por 2/3 dos membros da Comisión Delegada e ratificada posteriormente por maioría simple dos membros da Asemblea Xeral.

TÍTULO III

REQUISITOS DE ADQUISICIÓN O PÉRDIDA DA CONDICIÓN DE FEDERADO, RÉXIME DE CONCESIÓN DE LICENZAS FEDERATIVAS E CONDICIÓNS DESTAS, E DEREITOS, DEBERES E RESPONSABILIDADES DE TODOS OS SEUS INTEGRANTES

Artigo 22. Requisitos de adquisición o perda da condición de federado, e réxime de concesión de licenzas federativas e condicións destas

1. As Entidades Deportivas que teñan entre os seus fins a práctica e promoción do deporte de persoas con discapacidade en calquera das súas modalidades integraranse, a petición propia, na Federación, debendo cumprir os seguintes requisitos:

a) Solicitude de admisión mediante instancia dirixida ó Presidente.

b) Número de Rexistro dos Estatutos.

2. A admisión será gratuita, sen prexuízo das cotas anuais que se establezan.

3. Os deportistas, técnicos-adestradores e xuíces e árbitros que teñan entre a súa práctica o especialidade o deporte de persoas con discapacidade poderán integrarse na Federación por vontade propia. A devandita integración producirase mediante a concesión de licenzas. As licenzas serán tramitadas e expedidas pola Federación consonte coa lexislación vixente.

4. O prazo de resolución da admisión dun club, ou de concesión dunha licenza, non será superior a 30 días naturais, a contar desde a recepción da solicitude.

5. As resolucións, tanto aprobatorias como denegatorias, deben comunicarse expresa e directamente ó club ou ó interesado, sinalando, de ser o caso, o incumprimento dos requisitos. A resolución poderá ser recorrida ante os órganos competentes.

6. A perda da condición de federado producirase nos termos establecidos pola lexislación vixente.

Artigo 23. Dereitos dos federados

1. Os federados teñen dereito a non seren discriminados por razón de nacemento, raza, sexo, relixión, opinión ou calquera outra condición ou circunstancia persoal ou social.

2. Con carácter xeral, todos os federados teñen o dereito a recibir a tutela da Federación respecto ó seus intereses deportivos lexítimos, así como o de participar nas súas actividades e no seu funcionamento, a través dos medios e dos cauces establecidos.

3. Igualmente poderán participar na súa xestión, sendo electores e elixibles para os seus órganos de goberno e representación, consonte ó disposto nas normas electorais vixentes en cada momento.

Artigo 24. Deberes e responsabilidades dos federados

1. Os federados teñen o deber de estar en posesión da licenza federativa.

2. Os federados tamén teñen o deber de aceptar e cumprir os Estatutos e Regulamentos da Federación, así como o de someterse á autoridade dos órganos federativos en relación coas materias da súa competencia, sen prexuízo do dereito a impugnar ou recorrer as súas decisións ante as instancias correspondentes, acudindo incluso ante a xurisdición competente.

3. O incumprimento dos devanditos deberes poderá xerar responsabilidade, nos termos establecidos pola lexislación vixente.

TÍTULO IV

RÉXIME DE RESPONSABILIDADE DOS PRESIDENTES E MEMBROS DA XUNTA DIRECTIVA

Artigo 25. Principio xeral

O Presidente, membros da Xunta Directiva ou dos órganos de dirección que se puidesen establecer estatutariamente serán persoalmente responsables, fronte á propia Federación, fronte ós seus membros ou fronte a terceiros:

a) Das obrigas que contraese a Federación e que non teñan, ou tivesen, o adecuado respaldo contable, non figuren nas contas presentadas e aprobadas, ou sexan obxecto dunha contabilización que non reflicta a natureza e alcance da obriga en cuestión, e que distorsione a imaxe fiel que debe producir aquela.

- b) Das obrigas que contraese contra a prohibición expresa doutros órganos federativos competentes ou da Administración autonómica, así como das obrigas que impliquen un déficit non autorizado ou fóra dos límites da autorización.
- c) En xeral, dos actos ou das omisións que supoñan un prexuízo para a Federación cando sexan realizados vulnerando normas de obrigado cumprimento.

Artigo 26. Exención de responsabilidade

A responsabilidade descrita no artigo anterior poderase esixir no caso de existencia de dolo ou culpa na actuación dos suxeitos responsables. En todo caso, quedarán exentos de responsabilidade aqueles que votasen en contra do acordo o non interviñesen na súa adopción ou execución, ou aqueles que o descoñecesen ou, coñecéndoo, se opuxesen expresamente a aquel.

Artigo 27. Responsabilidade disciplinaria

A responsabilidade regulada no presente Título é independente da responsabilidade disciplinaria na que se puidese incorrer, e que se esixirá consonte ás disposicións xerais vixentes.

TÍTULO V DO RÉXIME DOCUMENTAL

Artigo 28. Principio xeral

A custodia e levanza da documentación, rexistros e arquivos da Federación corresponde ó seu Secretario.

Artigo 29. Rexistros

A Federación levará alomenos os seguintes rexistros debidamente dilixenciados en formato físico ou electrónico acorde coa lexislación vixente:

- a) De Entidades Deportivas.
- b) De deportistas.
- c) De actas dos órganos de goberno e representación.
- d) De contabilidade.

Artigo 30. Exame e supervisión dos rexistros

Os rexistros e demais documentación estarán a disposición en todo momento da Administración deportiva autonómica competente, para o seu exame e supervisión.

TÍTULO VI DO RÉXIME ECONÓMICO-FINANCIERO

Artigo 31. Do orzamento e da data de peche do exercicio económico da Federación

1. A Federación ten orzamento e patrimonio propios e deberá someter a súa contabilidade e o seu estado económico ou financeiro ás prescricións legais.

2. A Federación non poderá aprobar orzamentos deficitarios, aínda que, excepcionalmente, a Administración deportiva autonómica competente poderá autorizar con tal carácter.

3. A administración do orzamento responderá o principio de caixa única, debendo adicarse os ingresos propios, de forma prioritaria, ós gastos da estrutura federativa.

4. A Xunta Directiva elaborará o proxecto de orzamento correspondente ó seguinte exercicio, o peche do cal coincidirá co da tempada deportiva respectiva, para a súa aprobación pola Asemblea Xeral durante o último trimestre do exercicio económico.

5. O devandito orzamento deberá remitirse á Administración deportiva no prazo dun mes desde a súa aprobación.

Artigo 32. Inspección económica

A Federación someterá os seus libros de contabilidade á inspección, así como as auditorías financeiras sobre a totalidade dos seus gastos, a requirimento da Administración deportiva autonómica competente.

Artigo 33. Exhibición da documentación económica

As contas anuais e os orzamentos teñen que estar no domicilio social da Federación, cunha antelación de 15 días á celebración da Asemblea Xeral, a disposición das persoas ou entidades con dereito a voto, as cales poderán pedir copia, que se lles entregará antes da celebración da Asemblea.

Artigo 34. Ingresos da Federación

1. O patrimonio da Federación estará integrado por:

- a) Cotas dos seus afiliados.
- b) Dereitos de inscrición e demais recursos que procedan das competicións organizadas pola Federación.
- c) Rendementos dos bens propios.
- d) Subvencións, ou outras achegas, que as entidades públicas poidan concederlles, así como doazóns, herdanzas, legados e premios que lles sexan outorgados por entidades públicas ou privadas.
- e) Calquera outro recurso que lles poida ser atribuído.

2. A Federación destinará a totalidade dos seus ingresos e do seu patrimonio á consecución dos fins propios do seu obxecto.

3. Os fondos deberán depositarse necesariamente en contas a nome da Federación, en entidades financeiras, sen prexuízo de manter en caixa as sumas precisas para atender os gastos correntes.

4. Toda disposición de fondos con cargo ás devanditas contas deberá autorizarse por dúas sinaturas mancomunadas, - sendo unha delas a do Presidente- de entre tres sinaturas autorizadas. O Presidente designará as persoas que contarán con autorización de firma.

Artigo 35. Regras económico-financeiras específicas

Será necesaria a autorización da Administración autonómica para a venda ou gravame dos bens inmoables cuxa titularidade lle corresponda á Federación que fosen financiados, en

todo ou en parte, con fondos públicos. Así mesmo, requirirase igual autorización cando a Federación pretenda comprometer gastos de carácter plurianual ou cando a natureza do gasto, ou a porcentaxe deste en relación co seu orzamento, vulneren os criterios que regulamentariamente se determinen. Esta autorización poderase consignar nos contratos programa que poidan ser asinados entre a Administración deportiva autonómica e a Federación para o desenvolvemento das súas actividades e funcións.

TÍTULO VII DO RÉXIME DISCIPLINARIO

Capítulo I. Disposicións xerais sobre infraccións e sancións

Artigo 36. Tipificación, natureza e clasificación das infraccións

1. As infraccións das regras do xogo ou da competición e as infraccións das normas xerais de conduta deportiva tipificadas nestes Estatutos constitúen faltas disciplinarias. As infraccións clasifícanse en moi graves, graves e leves. As sancións correspondentes aplicaranse en función da clasificación das infraccións.

2. Consideraranse infraccións moi graves as seguintes:

- a) As actuacións dirixidas a predeterminar, mediante prezo, intimidación ou simple acordo ou decisión, o resultado dunha proba, encontro ou competición.
- b) Os comportamentos e actitudes agresivos e antideportivos ou discriminatorios dos deportistas ou técnicos, cando se dirixan ós xuíces, ós xurados, a outros xogadores, técnicos ou ó público.
- c) Os quebrantamentos de sancións impostas.
- d) A manipulación ou alteración, xa sexa persoalmente ou a través de persoa interposta, do material ou equipamento deportivo en contra das regras técnicas de cada especialidade, cando poidan alterar a seguridade da proba, encontro ou competición ou poñan en perigo a integridade das persoas.
- e) Non executar ou desobedecer as resolucións no ámbito disciplinario do Comité Galego de Xustiza Deportiva.
- f) A inasistencia sen xusta causa dos deportistas ás convocatorias da selección galega ou a negativa da entidade deportiva a facilitar a súa asistencia.
- g) A aliñación indebida e non comparecer ou retirarse inxustificadamente das probas, encontros ou competicións.
- h) A reincidencia na comisión de faltas graves. Entenderase que hai reincidencia na comisión cando se sexa sancionado mediante resolución firme pola comisión de tres ou máis infraccións graves no período dun ano.

Da infracción á que se refire a letra e) poderá ser responsable o Presidente da Federación, sen prexuízo das responsabilidades nas que poidan incorrer outras persoas físicas integrantes dos órganos federativos.

3. Consideraranse infraccións graves as seguintes:

- a) A falta de remisión en prazo ou de forma manifestamente incompleta, sen xusta causa, dos expedientes ou da información requirida polo Comité Galego de Xustiza Deportiva.

- b) O incumprimento de ordes e instrucións emanadas dos órganos deportivos competentes.
- c) Actuar de forma pública e notoria contra a dignidade e o decoro propios da actividade deportiva.
- d) A reiteración de faltas leves. Entenderase que hai reiteración cando se sexa sancionado mediante resolución firme pola comisión de tres ou máis infraccións leves no período dun ano.

Das infraccións ás que se refiren as letras a) e b) poderá ser responsable o Presidente da Federación, sen prexuízo das responsabilidades nas que poidan incorrer outras persoas físicas integrantes dos órganos federativos.

4. Consideraranse infraccións leves as seguintes:

- a) As condutas contrarias ás normas deportivas que non estean incursas na cualificación de moi graves ou graves.
- b) A incorrección co público, compañeiros e subordinados.
- c) A adopción dunha actitude pasiva no cumprimento das ordes e instrucións recibidas de xuíces e autoridades deportivas no exercicio das súas funcións.

Artigo 37. Sancións

1. Pola comisión de faltas moi graves imponse as seguintes sancións:

- a) Multa en contía non superior a 1.500 euros.
- b) Perda de puntos ou postos de clasificación.
- c) Perda de ascenso de categoría ou división.
- d) Clausura do recinto deportivo por un período máximo dunha tempada.
- e) Suspensión ou privación da licenza federativa ou, de ser o caso, da inscrición no Rexistro de Entidades Deportivas de Galicia, ou da habilitación para ocupar cargos na Federación por un prazo máximo de cinco anos.
- f) Privación da licenza federativa, cancelación da inscrición no Rexistro de Entidades Deportivas de Galicia ou privación da habilitación para ocupar cargos na Federación a perpetuidade. Esta sanción unicamente se poderá acordar, de modo excepcional, pola reincidencia en infraccións de extrema gravidade.
- g) Inhabilitación por un período de dous a catro anos, cando as infraccións sexan cometidas por directivos.
- h) Destitución do cargo, cando as infraccións sexan cometidas polos directivos.

2. Pola comisión de faltas graves imponse as seguintes sancións:

- a) Amoestación pública.
- b) Multa en contía non superior a 1.000 euros.
- c) Clausura do recinto deportivo ata un máximo de catro probas ou tres meses.
- d) Suspensión ou privación da licenza federativa e/ou, se é o caso, da inscrición no Rexistro de Entidades Deportivas de Galicia, e inhabilitación para ocupar cargos dun mes a dous anos.

3. Pola comisión de faltas leves imponse as seguintes sancións:

- a) Apercibimento.
- b) Inhabilitación para ocupar cargos federativos ou suspensión de ata un mes, ou dunha a tres probas.

4. As multas só se lles poderán impoñer ás entidades deportivas e aos que, conforme a estes Estatutos, sexan considerados deportistas profesionais ou técnicos profesionais.

Artigo 38. Principio de proporcionalidade

1. No establecemento de sancións pecuniarias deberase ter en conta que a comisión das infraccións tipificadas non resulte máis beneficiosa para a persoa infractora que o cumprimento das normas infrinxidas.

2. Na determinación do réxime sancionador, deberase gardar a debida adecuación entre a gravidade do feito constitutivo da infracción e a sanción aplicada.

3. Para graduar as sancións teranse en conta as circunstancias concorrentes, a natureza dos feitos, as consecuencias e os efectos producidos, a existencia de intencionalidade, a reincidencia e a concorrencia de circunstancias agravantes ou atenuantes.

4. En función das circunstancias previstas nas alíneas anteriores, as sancións aplicaranse nos seus graos máximo, mínimo ou medio. De ser o caso, de concorreren circunstancias atenuantes cualificadas, poderase aplicar a sanción inferior nun grao á prevista.

Artigo 39. Circunstancias modificativas da responsabilidade

1. Serán consideradas como circunstancias atenuantes o arrepentimento espontáneo e a existencia de provocación suficiente inmediatamente anterior á comisión da infracción.

2. Serán consideradas como circunstancias agravantes da responsabilidade a reincidencia, o prezo, o prexuízo económico ocasionado e o número de persoas afectadas pola infracción respectiva.

3. Entenderase producida a reincidencia cando a persoa infractora cometa, polo menos, unha infracción da mesma natureza declarada por resolución firme, no termo dun ano.

4. Os órganos disciplinarios sancionadores poderán, no exercicio da súa función, aplicar a sanción no grao que consideren adecuado, ponderando, en todo caso, a natureza dos feitos, a personalidade do responsable, as consecuencias da infracción e a concorrencia de circunstancias atenuantes ou agravantes.

Artigo 40. Causas de extinción da responsabilidade

A responsabilidade disciplinaria extinguese:

- a) Polo cumprimento da sanción.
- b) Polo falecemento da persoa inculpada.
- c) Por disolución da entidade sancionada.
- d) Por prescrición das infraccións ou sancións.

Artigo 41. Prescrición de infraccións e sancións

1. As infraccións moi graves prescribirán ós tres anos, as graves prescribirán ó ano e, as leves, ó mes.

2. O termo de prescrición comeza a contar o día no que se cometeron os feitos e interrómpease no momento no que se acorda iniciar o procedemento sancionador. O seu cómputo reanudarase se o expediente permanecese paralizado durante un mes por causa

non imputable ó presunto responsable.

3. As sancións prescribirán ós tres anos, ó ano ou ó mes, segundo se trate das que correspondan a infraccións moi graves, graves ou leves. O prazo de prescrición comezará a contar desde o día seguinte a aquel no que adquira firmeza a resolución pola que se impuxo a sanción, ou desde o momento no que se quebrantase o seu cumprimento, se este xa comezase.

Artigo 42. Prohibición de dobre sanción polos mesmos feitos

Non poderá impoñerse máis dunha sanción polos mesmos feitos.

Artigo 43. Aplicación dos efectos retroactivos favorables

As disposicións disciplinarias teñen efecto retroactivo en canto favorezan ó infractor, aínda que no momento de publicación das disposicións mais favorables recaera sanción firme.

Artigo 44. Prohibición de sancionar por infraccións non tipificadas no momento da súa comisión

Non poderá impoñerse sanción algunha por accións ou omisións non tipificadas como infracción con anterioridade ao momento de producirse, nin tampouco poderán impoñerse sancións que non estean establecidas por norma anterior á comisión da infracción.

Capítulo II. Procedementos e órganos disciplinarios deportivos

Artigo 45. Procedemento disciplinario

A imposición de sancións pola comisión das infraccións previstas nestes Estatutos e no Regulamento de réxime disciplinario que o desenvolva axustarase ós procedementos previstos no Capítulo IV do Título VII da Lei 3/2012, de 2 abril, do Deporte de Galicia.

Artigo 44. Clases de procedementos

1. Os procedementos para a imposición de sancións serán o abreviado e o ordinario.
2. O procedemento abreviado é aplicable para a imposición das sancións por infracción das regras do xogo ou da competición. En todo caso, deberá asegurarse o trámite de audiencia ás persoas interesadas e o dereito ao recurso.
3. O procedemento ordinario será de aplicación para as sancións correspondentes ás infraccións das normas xerais de conduta deportiva.

Artigo 47. Regras comúns ós procedementos

1. No non previsto nos presentes Estatutos, serán de aplicación supletoria as normas contidas na Lei 3/2012, de 2 abril, do Deporte de Galicia, na Lei 30/1992, de 26 novembro, de réxime xurídico das administracións públicas e do procedemento administrativo común, e no Real Decreto 1398/1993, do 4 agosto, polo que se aprobou o Regulamento do procedemento para o exercicio da potestade sancionadora.
2. Os procedementos sancionadores respectarán a presunción de inexistencia de responsabilidade administrativa mentres non se demostre o contrario.
3. As sancións impostas a través do correspondente procedemento disciplinario serán

inmediatamente executivas, agás que o órgano encargado da resolución do recurso acorde a suspensión.

4. As actas subscritas polos xuíces da proba ou da competición constituirán medio documental necesario en conxunto da proba das infraccións ás regras e normas deportivas. Igual natureza terán as ampliacións ou aclaracións a aquelas. As manifestacións do xuíz plasmadas nas citadas actas presúmense certas, agás proba en contrario.

Artigo 48. Procedemento abreviado

As regras ás que se axusta o procedemento abreviado son as seguintes:

1. Iniciación:

a) O procedemento abreviado iníciase coa notificación da acta da proba ou competición, que reflecta os feitos que poden dar lugar a sanción, subscrita polo xuíz e polos competidores ou polos delegados dos clubs. No suposto de que os feitos que poidan dar lugar a sanción non estean reflectidos na acta, senón mediante anexo, o procedemento iníciase no momento no que teña entrada na Federación o anexo da acta da proba ou documento no que queden reflectidos os feitos obxecto de axuízamento. Ademais, designarase unha persoa instrutora que exercerá as funcións de impulso na ordenación do expediente e de secretaria ou secretario, e serán aplicables as causas de abstención e recusación reguladas na Lei 30/1992, de 26 novembro.

b) Tamén se pode iniciar a instancia da parte interesada, sempre que a denuncia se presente nas dependencias da Federación dentro do segundo día hábil seguinte ó día no que se celebrara a proba ou competición.

2. Tramitación e resolución:

a) No prazo de dous días, que se contarán desde a notificación prevista na alínea anterior, as persoas interesadas poderán formular alegacións en relación cos feitos consignados na acta, anexo ou denuncia. Tamén poderán propoñer ou achegar, se é o caso, as probas pertinentes. A proba deberá practicarse no prazo máximo dos dous días hábiles seguintes ó da súa admisión.

b) O órgano instrutor trasladará, no prazo máximo de dous días que se contarán a partir da presentación de alegacións ou da práctica da proba ou da súa denegación, ó órgano competente para resolver a proposta de resolución, para que, dentro do día seguinte, se dite resolución na cal se deben expresar os feitos imputados, os preceptos infrinxidos e os que habilitan a sanción que se impoña. Así mesmo, deben expresarse na mesma resolución os motivos de denegación das probas non admitidas se non se realizase con anterioridade. A resolución deberase notificar ás persoas interesadas, con expresión dos recursos que se poidan formular contra ela e do prazo para a súa interposición.

Artigo 49. Procedemento ordinario

As regras ás que se somete o procedemento ordinario son as seguintes:

1. Iniciación:

a) O procedemento iníciase por acordo do órgano competente, de oficio ou a instancia de persoa interesada.

b) O acordo que inicie o procedemento conterá a identidade do instrutor, se é o caso do secretario, da autoridade competente para impoñer a sanción e a norma que lle atribúa tal competencia, o prego de cargos que conterá a determinación dos feitos imputados, a identificación da persoa ou das persoas presuntamente responsables, así como as posibles sancións aplicables. Este acordo deberáselle notificar á persoa interesada. Serán aplicables ó instrutor e ó secretario as causas de abstención e recusación e procedemento establecidas na Lei 30/1992, de 26 novembro, de réxime xurídico das administracións públicas e do procedemento administrativo común.

2. Tramitación:

a) Durante a tramitación do procedemento, o órgano competente para incoalo, de oficio ou a instancia do instrutor, poderá acordar en resolución motivada as medidas que considere oportunas para asegurar a eficacia da resolución que poida recaer.

b) O acordo de iniciación notificarase ás persoas interesadas e concederáselles un prazo de dez días para contestar os feitos e propoñer a práctica das probas que conveña á defensa dos seus dereitos e intereses.

c) Practicaranse de oficio ou admitiranse a proposta da persoa interesada cantas probas sexan adecuadas para a determinación de feitos e posibles responsabilidades. Só se poderán declarar improcedentes aquelas probas que pola súa relación cos feitos non poidan alterar a resolución final a favor do presunto responsable.

d) Contestado o prego de cargos ou transcorrido o prazo para facelo, ou concluída a fase probatoria, o instrutor redactará a proposta de resolución, ben apreciando a existencia dalgunha infracción imputable —e neste caso conterá necesariamente os feitos declarados probados, as infraccións que constitúan e as disposicións que as tipifiquen, as persoas que resulten presuntamente responsables e as sancións que procede impoñer—, ou ben propoñendo a declaración de inexistencia de infracción ou responsabilidade e o sobresemento con arquivo das actuacións. A proposta de resolución notificaráselles ás persoas interesadas e concederáselles un prazo de dez días para formular alegacións e presentar os documentos que estimen pertinentes.

3. Resolución:

a) Recibidas polo instrutor as alegacións ou transcorrido o prazo de audiencia, elevará o expediente ó órgano competente para resolver.

b) A resolución do órgano competente pon fin ó procedemento común e ditarase no prazo máximo de dez días hábiles.

Artigo 50. Lexitimación para recorrer as sancións

Están lexitimadas para interpoñer recurso en materia disciplinaria as persoas directamente

afectadas pola sanción. Enténdese, en todo caso, por tales os deportistas, as súas entidades deportivas e as entidades deportivas participantes na competición.

Artigo 51. Órganos disciplinarios

No Regulamento de réxime disciplinario especificarase a composición e funcionamento dos órganos competentes en materia disciplinaria, que serán:

- a) Na primeira instancia, un comité de competición o xuíz único.
- b) Na segunda instancia, un comité de apelación.

Artigo 52. Comité Galego de Xustiza Deportiva

Contra as resolucións da Federación en materia disciplinaria cabe recurso ante o Comité Galego de Xustiza Deportiva.

TÍTULO VIII DA REFORMA DOS ESTATUTOS

Artigo 53. Órgano competente e proposta

Os Estatutos da Federación unicamente poderán modificarse por acordo da Asemblea Xeral, reunida en sesión extraordinaria, previa inclusión na orde do día da modificación que se pretende. A proposta de modificación estatutaria, salvo cando esta deba realizarse por imperativo legal, poderá plantexarse por un terzo dos membros da Asemblea Xeral, ou pola Xunta Directiva.

Artigo 54. Emendas

Da proposta de modificación darase traslado a cada un dos membros da Asemblea Xeral, quen deberán contar cun prazo non inferior a dez días para facer chegar á Federación as emendas ou suxerencias que estimen pertinentes. Entre a data de recepción da proposta de modificación na sede da Federación e a reunión da Asemblea Xeral na que a mesma se debata non poderán transcorrer máis de tres meses, polo cal, se non estiver prevista reunión da Asemblea Xeral dentro dese prazo, deberá convocarse unha a tal fin.

Artigo 55. Debate

A Asemblea Xeral abrirá a sesión coa lectura do texto da modificación proposta, así como das emendas ou suxerencias efectuadas. Posteriormente, tras o debate a que dera lugar, se procederá á votación.

Artigo 56. Votación

A aprobación pola Asemblea Xeral da modificación proposta requirirá o voto favorable da maioría absoluta dos seus membros.

Artigo 57. Aprobación

A reforma requirirá, unha vez aprobada pola Asemblea Xeral, a aprobación pola Administración deportiva de Galicia e a súa publicación no Diario Oficial de Galicia.

TÍTULO IX CAUSAS E PROCEDIMENTO DE EXTINCIÓN E DISOLUCIÓN

Artigo 58. Causas de extinción

A Federación extinguirase polas seguintes causas:

- a) Pola revogación do seu recoñecemento.
- b) Por resolución xudicial.
- c) Por integración ou fusión con outra Federación deportiva galega.
- d) Polas demais causas previstas no ordenamento xurídico.

Artigo 59. Procedemento de extinción e disolución

1. En caso de extinción e disolución da Federación, unha vez liquidado o seu patrimonio, a parte restante, se a houber, se destinará ós fins de carácter deportivo que determine a Administración deportiva autonómica competente.

2. A extinción e disolución realizaranse cumprindo os trámites procedimentais previstos na lexislación vixente.

Disposición adicional única

As normas regulamentarias de desenvolvemento dos presentes Estatutos, con exclusión das normas técnicas ou regulamentos deportivos que rexen a competición, depositaranse no Rexistro de Entidades Deportivas de Galicia, e daranse a coñecer a través da páxina web da Federación.

O calendario oficial aprobado pola Asemblea Xeral deberá comunicarse, nos termos esixidos pola lexislación vixente, á Administración deportiva no prazo de sete días desde a súa aprobación.

Disposición transitoria única.

1. Unha vez creada a Federación, a comisión xestora convocará eleccións para a constitución da Asemblea Xeral da Federación, de acordo coas seguintes regras:

- a) A normativa a aplicar será a ditada para a elaboración de regulamentos dos procesos electorais das federacións deportiva galegas.
- b) No prazo máximo de 15 días, a comisión xestora porá en marcha o procedemento para a elección da Asemblea Xeral, tendo en conta que os trámites do mesmo se substanciarán cumprindo sempre os prazos mínimos previstos na normativa a aplicar.
- c) Unha vez constituída a Asemblea Xeral, procederá a convocar a elección de Presidente da Federación, aplicándose asemade, para esta primeira elección, lexislación autonómica correspondente.

Disposición final única. Entrada en vigor

Os presentes Estatutos entrarán en vigor tras a súa publicación do Diario Oficial de Galicia.



EXPEDIENTE: PR946B 2019/000882-0

SOLICITANTE: FEDERACION GALEGA DE DEPORTE ADAPTADO

Nº REGISTRO: F-12172

RESOLUCIÓN

Á vista da solicitude e documentación presentada, e sendo conforme coa Lei 3/2012 do 2 de abril do Deporte de Galicia, co Decreto 216/1997 do 30 de xullo, e demais normativa aplicable é polo que:

RESOLVO:

Anotar no Rexistro de Asociacións Deportivas e Deportistas de Galicia as modificacións seguintes:

MODIFICACIÓN DE ESTATUTOS. Modificación do artigo 14.8 que foi aprobado por unanimidade na assemblea de xeral extraordinaria de 7 de xuño de 2019

Contra esta Resolución poderá interpoñer potestativamente recurso de reposición ante o órgano que a ditou no prazo dun mes a contar desde a data de notificación, ou ben interpoñer directamente recurso contencioso-administrativo ante a Sala do Contencioso-Administrativo do Tribunal Superior de Xustiza del Galicia no prazo de dous meses a contar desde a data de notificación da presente resolución.

De acordo co artigo 54.7 da lei 3/2012 de 2 de abril os estatutos das federacións deportivas e as súas modificacións publicaranse no DOG, previa aprobación de estos pola administración autonómica no prazo máximo de tres meses dende a súa presentación no rexistro.

Santiago de Compostela, a 27 de setembro de 2019

O SECRETARIO XERAL PARA O DEPORTE

Jose Ramón Lete Lasa (asinado electrónicamente)

SR. PRESIDENTE DE FEDERACION GALEGA DE DEPORTE ADAPTADO

